



6/11/1



Ruj. Kami : Mqa.100-1/7/2 Jld. 4 (8)

Tarikh : 30 JUL 2021

KEPADА SEMUA PEMBERI PENDIDIKAN TINGGI (PPT)

Dra Tuan/Puan,  
**PROF. DR. AHMAD FARIS ISMAIL**  
Deputy Rector (Academic and Internationalisation)  
International Islamic University Malaysia

SURAT MAKLUMAN MQA BIL. 10/2021

For info.

PERMOHONAN NILAI TARAF KELAYAKAN BAGI KESETARAAN DENGAN  
KERANGKA KELAYAKAN MALAYSIA (MALAYSIAN QUALIFICATIONS  
FRAMEWORK, MQF)

Dengan hormatnya saya merujuk kepada perkara di atas.

2. Seperti tuan/puan sedia maklum, peranan utama Agensi Kelayakan Malaysia (Malaysian Qualifications Agency, Mqa) adalah untuk melaksanakan Kerangka Kelayakan Malaysia (Malaysian Qualifications Framework, MQF) sebagai landasan sistem jaminan kualiti pengajian tinggi dan titik rujukan kriteria dan standard kelayakan kebangsaan. Berdasarkan MQF, kelayakan dibangunkan dan diklasifikasikan mengikut kriteria yang dipersetujui di peringkat kebangsaan dan ditanda aras dengan amalan antarabangsa.

3. Seksyen 78 dalam Akta Mqa [Akta 679] memperuntukkan tentang 'Penilaian Kelayakan Lain' yang menyatakan bahawa mana-mana orang boleh memohon kepada Agensi untuk melaksanakan penilaian ke atas kelayakan Pemberi Pendidikan Tinggi (PPT) atau program yang dijalankan di dalam atau luar Malaysia untuk diperakui kesetaraannya dengan kelayakan dalam MQF.

4. Mqa telah membangunkan kriteria yang perlu dipatuhi oleh individu atau PPT yang ingin mengemukakan permohonan nilai taraf kelayakan kepada Mqa seperti berikut:

i) Individu

Pemohon telah menamatkan pengajian dengan kelayakan luar negara dan ingin menyambung pengajian di Malaysia atau apa-apa tujuan yang berkaitan.

ii) Pemberi Pendidikan Tinggi (PPT)

a) Permohonan **Badan Persijilan Luar Negara**

- Badan yang diluluskan oleh pihak berautoriti di negara asal.
- Kelayakan yang dimohon akan dikendalikan secara kerjasama dengan PPT di Malaysia dan melalui proses Akreditasi Sementara dan Akreditasi Penuh MQA sahaja; atau

b) Pemohonan **Badan Berautoriti Dalam Negara**

- Badan yang mempunyai punca kuasa untuk menganugerahkan kelayakan berdasarkan akta penubuhan masing-masing.
- Kelayakan yang dimohon bertujuan untuk peningkatan kerjaya yang berbentuk *Continuous Professional Development* (CPD) dan tidak boleh digunakan sebagai kelayakan masuk/artikulasi ke mana-mana program/kelayakan berdasarkan tahap MQF.

5. Permohonan nilai taraf kelayakan akan dikenakan fi pemprosesan sebanyak **RM 1,050.00**.

6. Carta alir bagi 'Proses Penilaian Kesetaraan Kelayakan' adalah seperti dalam **Lampiran 1**. Tatacara lengkap bagi permohonan nilai taraf kelayakan boleh dirujuk melalui portal MQA, [www.mqa.gov.my](http://www.mqa.gov.my).

7. Semua pihak dimohon mengambil perhatian yang sewajarnya agar urusan nilai taraf kelayakan dapat dilaksanakan dengan teratur dan lancar.

Sekian, terima kasih.

**"PRIHATIN RAKYAT: DARURAT MEMERANGI COVID-19"**

**"WAWASAN KEMAKMURAN NEGARA 2030"**

**"BERKHIDMAT UNTUK NEGARA"**

Saya yang menjalankan amanah,



**PROF. DATO' DR. MOHAMMAD SHATAR BIN SABRAN (DIMP, DPMP)**